

Randolph Oduber, pelotero profesional di Washington Nationals

“E idea ta pa no solamente entrena entre e peloteronan, pero tambe yuda nos muchanan jong cu ta practica e deporte di baseball”

ORANJESTAD(AAN): E conocido pelotero profesional, Randolph Oduber kende algun aña tras a firma cu e ekipo di Mayor League, Washington Nationals ta un di e hungadonan cu a tuma e iniciativa pa e peloteronan firmá uni hunto y asina entrena na Aruba durante di e temporada di descanso.

Pa e motibo aki nan a acerca Eugene Kingsale kende ta coordinador di ABBA y alavez funcionario di team BO BAR-IO. Segun Oduber cu for di tempran, prome cu e temporada di baseball a termina, a papia cu e diferente pelotero firmá y splica nan di e idea di entrena hunto na Aruba.

A cuminsa busca informacion di acomodacion y inventarisa tur loke por worde haci.

Mester bisa cu a haya e ayudo di hopi hende cu kier a duna un man y colabora cu e grupo.

For di aña pasa tempo cu a acerca Eugene Kingsale, ya caba a train hunto, pero no mesun uni cu e aña aki, awo tin varios hende mas a bini acerca haciendo e grupo mas mas grandi.

Pa loke ta e entrenamentonan, Oduber a indica cu esakinan ta bayendo hopi bon, e mes a siña hopi cos nobo, cual sigur por ta na beneficio di otro peloteronan, e entrenamentonan ta intensivo mescos ta conta tambe pa e difer-

ente testnan cu ta worde haci cu nan.

Su persona ta hopi satisfecho cu e forma con tur cos a cana y ta spera cu por sigui cu esaki den e proximo añanan.

Manera el a bisa: “E idea ta pa no solamente entrena entre e peloteronan firma, pero tambe pa yuda muchanan jong cu ta practica e deporte di baseball, kisas den forma di organiza campo di entrenamiento of dreña den e barionan unda cu tin veld di baseball anto entrena hunto cu e muchanan jong y esnan mas grandi.

Tur esaki ta den e plan ora cu e temporada di baseball termina na october proximo”.

